

Inatsisissatut siunnersuummut nassuiaatit

Nalinginnaasumik nassuiaatit

1. Aallarniut

Inatsisartuni ilaasortat aningaasarsiaqartitaanerit pillugu inatsisip § 2-ani sulingiffeqarallartarneq pillugu malittarisassat pisariillisinneqarnissaat allannguutissatut siunnersuummi siunertaavoq, taamaalillutik ilaasortap Inatsisartut ataatsimiinnerannut allatullu suliaannut najuutinnginnera qaqugukkut sulingiffeqarallarnertut pissutissaqavilluniluunniit najuutinnginnertut il.il. akuersissutigineqartarnissaa pillugu siunissami Inatsisartut malittarisassanik pituttuisunik atuutsilersitsisartussanngorlugit.

Inatsisartut Siulittaasuata sulingiffeqarallarsinnaanerit malittarisassat maannamut § 6, imm. 10, malillugu immikkut naatsorsorneqartartut siunissami Inatsisartunut ilaasortanut allanut atuuttut malillugit naatsorsorneqassasut tamatuma saniatigut siunnersuutigineqarpoq, § 2, takujuk. Taamak iliornikkut Inatsisartut Siulittaasuata maannamut piginnaatitaaffii allannguuteqassanngillat. Tamanna naapertorlugu § 6, iluarsineqassaaq iluatsillugulu ilusissaminut eqqortumut iluarsineqarluni, tassami allannguinermit kingullermi § 6, imm. 6, maannakkut malittarineqartup qanoq siusinnerusukkut § 6, imm. 6, pissusissamisoortumik taarsersimaneraa qularineqarsinnaammat.

2. Siunnersuummi immikkoortut pingaarnerit

Malittarisassat arlallit Inatsisartut atuunnerini maleruarneqartussat misissuiffigineqarnissaat pisariaqarnersoq isumasioqatigiinnerni 25. aamma 26. februar 2014-imi taamatullu aamma 10. aamma 11. januar 2015 ingerlanneqartumi Inatsisartut Siulittaasoqarfiata eqqartuiffigisimavai. Aningaasarsiaqartitaaneq pillugu inatsimmut atuuttumut il.il. tunngatillugu, ilaasortap Inatsisartut ataatsimiinnerannut najuutinnginnera qaqugukkut sulingiffeqarallarnertut pissutissaqavilluniluunniit najuutinnginnertut il.il. akuersissutigineqartarnissaa pillugu siunissami Inatsisartut malittarisassanik pituttuisunik atuutsilersitsisarnissaat kissaatigineqarluni. Aningaasarsiaqartitaaneq pillugu inatsimmi maannakkut malittarisassat atatillugu pisariillisarneqassapput.

Malittarisassat Inatsisartut Siulittaasuata sulingiffeqarallarsinnaanerit tunngassuteqartut § 2, imm. 6-imi Inatsisartuni ilaasortanut allanut atuuttut ilagalugit siunissami malittarisassiuunneqartassasut siunnersuutigineqarpoq.

Tamanna naapertorlugu § 6-imi, imm 10 aamma 11 allanngortinneqassapput, iluatsillugulu § 6 tamaat pissusissamisoorumik ilusilerneqarluni.

2.1 Inatsisartunut ilaasortat sulinnigiffeqartarnerat il.il. pillugu malittarisassanik Inatsisartut aalajangersaanerat.

Aningaasarsiaqartitaaneq pillugu inatsisip atuuttup § 2, imm. 2, 2-ani, ima aalajangersagaqarpoq ”Inatsisartut Siulittaasoqarfiat sulinnigiffeqarallannerup akuersissutigineqarnissaanut najoqqutassanik suliarinnissaaq”. Peqatigitillugu qaqugukkut ilaasortap Inatsisartut ataatsimiinnerini najuutinnginnera pissutissaqavissumik najuutinnginnertut isigineqassanera pillugu aningaasarsiaqartitaanermut inatsit arlalinnik malittarisassaqarpoq. Ingammillu § 2, imm. 4, aamma 5, ima aalajangersaasut saqqummerpoq, ”Napparsimaneq qanigisalluunniit toquneranut perululluniluunniit napparsimaneranut atatillugu najuutinnginneq pissutissaqavilluni najuutinnginnertut isigineqassaaq. Najuutinnginnermi Namminersorlutik Oqartussani kommuninilu tjenestemandinut malittarisassat qaqugukkulluunniit atuuttut malillugit akiliunneqarluni angalasoqarsinnaatitaavoq. Naartunermut, erninermut, meeravissiaartaarnermullu atatillugu najuutinnginneq peqquteqavilluni najuutinnginnertut isigineqassaaq”. Inatsisartut Siulittaasuata sulinnigiffeqartarneranut malittarisassat maannamut aamma taamaapput, taamaattorli taakku allami inissisimallutik, tassa § 6, imm. 10, aamma 11-mi.

Aningaasarsiaqartitaanermut inatsisip sammisamut tunngatillugu malittarisassiorsinnaanermut tunngaviata inatsimmi ”ilitsersuummik atuutsilersitsineq” allassimanera ”malittarisassanik atuutsilersitsineq” allassimalersillugu taarserneqarnissaa Inatsisartut Siulittaasoqarfiannit pitsaasuusutut isigineqarpoq. Taamak oqaasertaliinerup malittarisassanut atuutsilersinneqartunut Inatsisartunut ilaasortat inatsisitigut pituttugaanerat ersarissisissavaa. Oqartussaasut malittarisassanik atuutsilersitsisut siunnersuut malillugu tassaassapput Inatsisartut, tassami iluarsisut Inatsisartut suleriaasiat taannaluunniit naapertorlugu pisariaqarmat.

Aningaasarsiaqartitaanermut inatsimmi malittarisassat qulaani issuarneqartut immikkuualuttulerujussuit § 2, imm. 4 aamma 5, atorunnaarsinneqarnissaat atatillugu siunnersuutigineqarpoq. Siunissami sulinnigiffeqartarneq pillugu malittarisassani pituttuisuni Inatsisartut atuutsiligassaanni, taakku imarisat ersersinneqassapput.

Inatsisartut Siulittaasuata sulinnigiffeqartarnera pillugu maannamut malittarisassat § 6, imm. 10 aamma 11, aalajangersakkamit peerneqarnissaat siunnersuutigineqarpoq, taamaalillutik § 2-mut malittarisassanullu tassunga malittaritinneqartunut siunissami ilaalerlutik. Siunissami Inatsisartut sammisamut malittarisassiorneranni maannakkutut Siulittaasup ilaasortallu allat akornanni assigiinngitsunik malittarisassaqaarnissaa pisariaqarsorineqanngilaq.

Sulinngiffeqartarneq pillugu malittarisassat ataatsimut isigalugu pisariillisinneqassapput sammisamullu malittarisassanik pituttuisunik atuutsilersitsinissaminut Inatsisartut periarfissaqalissapput. Maannamut taamaallaat sammisamut ”ilitsersuutinik” Inatsisartut Siulittaasoqarfiat atuutsilersitsisinnaavoq, tamannalu annikinnerusuinnarnik iluarsisinnaanermut periarfissatut paasineqarsinnaavoq. Malittarisassallu taamaattut, Inatsisartunit tamarmiusunit akuersissutigineqannginnamik, sunniutaat annikinnerupput, Siulittaasoqarfiullu sammisamut ilitsersuutinik atuutsilersitsisinnaanermut tunngavissami maannamut atunnginnissaa ulluinnarni ingerlaatsimini qinersimavaa.

Sammisamut sulinngiffeqarallartarnermut il.il. tunngassutilimmut malittarisassanik atuutsilersitsisarneq qaqugukkulluunniit inatsisit sinaakkusiinerat malillugu pisassasoq oqaatigineqassaaq. Malittarisassani atuutilersussani sulinngiffeqarallartarnermut il.il. malittarisassat imarisamikku ullumikkornit allaanerunissaat Inatsisartut Siulittaasoqarfiannit maannangaq ilimagineqanngilaq. Ingammillu ingerlaatsimik atuuttumik qasukkaanissaq ilimagineqarani, tassami Inatsisartunut ilaasortaaneq inatsisit malillugit pisussaaffeqarluni inuiaqatigiinnut sullissilluni atuuffiummat, taamaanneratalu najuutinngissinnaanermt sulinngiffeqarallarsinnaanermullu akuersissutinik tunniussisarnermi ingerlatseriaatsimik qasukkaasinnaanermut peeriarfissat maannamut naleqqiullugu annikitsuararsuutippai.

2.2 Inatsisimmi § 6-ip eqqortumik oqaasertalerneqarnera

Inatsimmik allannguinermt kingullermi (inatsisartut inatsisaat nr. 2, 15. april 2011-meersoq) arlalinnik allanguisoqarpoq ilaatigut § 6, allannguuteqarluni. Aalajangersakkap imm. 6-ip nutaamik oqaasertaliorneqarnera allannguutit taakku ilagaat.

§ 6, imm. 6-imik allannguinermt tassani teknikkikkut kukkusisoqarsimavoq, tassami allannguut oqaatsinik ukuninnga aallarniuteqartussaagaluarami: ”§ 6, imm. 6 imatut oqaasertaqassaaq”. Imm. 6-ip nutaap imm. 6 nutaanngitsoq taarseraa paasitinniarlugu oqaasertaliineq taamaattoq atorneqarpoq.

Allannguut taarsiullugu oqaatsinik ukuninnga aallarniuteqartinneqarpoq: ”§6-imi, imm. 6-itut ilanngunneqassaaq”. Oqaasertaliineq (”ilanngunneqassaaq”) pitsaanngilaq, tassami oqaasertanut pioreersunut tapiliussatut oqaasertanik ikkussisoqarnera paasitinniarlugu taanna nalinginnaasumik atorneqartarmat. Oqaasertaliussaq taamaammatt imm. 6-ip imareriiigaata attatiinnarniarneqarnera siunertaanersoq pillugu qularinnilersitsisinnaavoq.

Ataqatigiinneratigut toqqaannanngitsumik paasinarsivoq, ilaatigut imm. 8-p imarisaatigut, paasinarsilluni tassalu imm. 6-ip nutaap siusinnerusukku imm. 6-iusoq taarsertussaagaa, taamaammallu teknikkikkut kukkussut taanna ulluinnarni ingerlatsinermi sukuiaalluni saqqummiussinermi ajornartorsiutinut peqqutaasimannngilaq. Tamannaana pillugu manna iluatsillugu § 6, tamaat siunertaq malillugu ilusilerlugu sukuiarneqarpat

naapertuilluarnerpaatut isigineqartoq. Taamaattorli § 6, imm. 10 aamma 11, § 2-p allannguutaanut naapertuuttumik malitsitit iluarsineqassapput.

2.3 Inatsimmik allangortitsineq atuuttumut sanilliullugu.

Malittarisassat atuuttut allannguutissatullu siunnersuutigineqartut malittuani imminnut sanilliullugit takutinneqarput:

Inatsisissatut siunnersuut inatsimmut atuuttumut sanilliullugu	
Oqaasertai atuuttut	Inatsisissatut siunnersuut
	§ 1 Inatsisartunut Naalakkersuisunullu il.il. ilaasortat aningaasarsiaqartitaanerit il.il. pillugit Inatsisartut inatsisaanni nr. 22-mi 18. december 2003-meersumi, kingullermik inatsisartut inatsisaatigut nr. 2, 15. april 2011-meersukkut allangortinneqartumi, makku allannguutigittinneqassapput:
<p><i>Imm. 2.</i> Inatsisartuni ilaasortaqaq Kalaallit Nunaanni Inatsisartut Suleriaasianni maleruagassat naapertorlugit ilaasortatut sulinnigiffeqarallarnissamik Inatsisartut Siulittaasoqarfiannit akuersissuteqarfigineqartoq aningaasarsianik aningaasartuuteqarnermullu tapisianik piffissami sulinnigiffeqarallarfimmini pisinnaangilaq. Inatsisartut Siulittaasoqarfiat sulinnigiffeqarallarallarnernerup akuersissutigineqarnissaanut najoqqutassanik suliarinnissaaq. Immikkut ittumik pisuni sinniisussamik aggersaanermut atatillugu aningaasartuutit akilerneqarnissaat sulinnigiffeqarallarnermik akuersinissamut tunngavissanngortinneqarsinnaavoq.</p> <p><i>Imm. 3.</i> Inatsisartut Siulittaasoqarfiata Inatsisartuni ilaasortaqaq sulinnigiffeqarallarnissamik akuersissuteqarfigippagu piffissami sulinnigiffeqarallarnermi pineqartoq</p>	<p>1. § 2, imm. 2-5 ima oqaasertaqassapput: ”<i>Imm. 2.</i> Inatsisartunit sulinnigiffeqarallartarnermut najuutinngikkallartarnermullu akuersisarnermut malittarisassanik Inatsisartut aalajangersaassapput.</p> <p><i>Imm. 3.</i> Aningaasarsiaqaataasumik sulinnigiffeqarallarsinnaaneq aatsaat akuersissutigineqarsinnaavoq Inatsisartunut ilaasortaqaq pissutissaqavilluni najuussinnaangippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.</p> <p><i>Imm. 4.</i> Inatsisartunut ilaasortaqaq pisuni immikkorluinnaq ittuni aningaasarsiaqaataannngitsumik sulinnigiffeqarnissamut akuerineqarpat, ilaasortaqaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulinnigiffeqarallarnernerup nalaani</p>

<p>soraarnerussutisiassanik katersissanngilaq. Aamma Inatsisartuni ilaasortaq Naalakkersuisuni ilaasortatut atuuffimminik tamakkiisumik aallussiniarnini pissutigalugu sulinnigiffeqarallarnissamik akuersissuteqarfigineqartoq piffissami sulinnigiffeqarallarnerni soraarnerussutisiaqalernissamut katersisinnaanngilaq.</p> <p><i>Imm. 4.</i> Napparsimaneq qanigisalluunniit toquneranut perululluniluunniit napparsimanageranut atatillugu najuutinnginneq pissuteqavilluni najuutinnginnertut isigineqassaaq.</p> <p><i>Imm. 5.</i> Naartunermut, erninermut meeravissiarternermulluunniit atatillugu sulinnigiffeqarallarneq pissuteqavilluni najuutinnginnertut isigineqassaaq.</p>	<p>soraarnerussutisiassanut ilaasortaajunnaarnersiutinulluunniit katersaqarsinnaanani. Aammattaaq sulinnigiffeqarallarnissamut akuersissuteqarnissamut sinniisussamik aggersaanermi aningaasartuutinik Inatsisartunut ilaasortap akiliuteqarnissaa piunasaqaatigineqarsinnaavoq.</p> <p><i>Imm. 5.</i> Inatsisartunut ilaasortaq Naalakkersuisunut ilaasortatut atuuffeqarniarluni sulinnigiffeqarallarnissamut akuerineqartoq, sulinnigiffeqarallarnernup nalaani ilaasortaajunnaarnersiutissanik katersisinnaanngilaq.”</p>
<p><i>(Qulaani § 2, imm. 4, oqaaseqatigiit aappaat takuuk)</i></p>	<p>2. § 4-mi <i>imm. 4-p</i> kingornanut immikkoortutut nutaatut ikkunneqassaaq: ”<i>Imm. 5.</i> Qanigisamik toqusqartillugu pinartumilluunniit napparsimasqartillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit akiliunneqarluni angalasoqarsinnaavoq.”</p>
<p>§ 6. Inatsisartut siulittaasuat, Naalakkersuisut siulittaasuat Naalakkersuisunullu ilaasortat aningaasarsiat § 1, <i>imm. 1-imi</i> taaneqartut saniatigut ukiumut aningaasarsiaqartinneqassapput akissaateqarfiit 38-ianni, nalinginnaasumik tapisiat ilanngullugit, akissarsianut naapertuuttunik. Aningaasarsiat naatsorsorneqartassapput Kalaallit Nunaanni ilinniagartuut kattuffiata ASG-p tjenestemandit akissarsiaasa il.il. iluarsineqarnerannut isumaqatigiissutai qaqugukkulluunniit atuuttut tunngavigalugit.</p>	<p>3. § 6 ima oqaasertaqassaaq: ”§ 6. Inatsisartut siulittaasuat, Naalakkersuisut siulittaasuat Naalakkersuisunullu ilaasortat aningaasarsiat § 1, <i>imm. 1-imi</i> taaneqartut saniatigut akissaatit inissisimaffiat 38 malillugu aningaasarsianik tapisianik tamanut atuuttunik ilasanik ukiumut aningaasarsiaqartinneqassapput. Aningaasarsiat naatsorsorneqassapput tjenestemandit akissarsiaasa allallu iluarsivigineqartarnerat pillugu ASG-mut isumaqatigiissut qaqugukkulluunniit atuuttoq aallaavigalugu.</p>

Imm. 2. Inatsisartut siulittaasuannut Naalakkersuisullu siulittaasuannut kr. 120.930-nik immikkut tapisiaqartitsisoqassaaq.

Imm. 3. Naalakkersuini ilaasortanut Inatsisartuni ilaasortaannngitsunut Inatsisartuni ilaasortat aningaasarsiaasa § 1, imm. 1-imi taaneqartut aneqqataannik tapisiaqartitsisoqassaaq.

Imm. 4. Inatsisartut siulittaasuut, Naalakkersuisut siulittaasuut Naalakkersuisunilu ilaasortat qaammatip qinigaaffimmik aallaqqaataanit qaammatip taamatut atuukkunnaarfimmik naanissaata tungaanut aningaasarsiaqartinneqassapput. Aningaasarsiat qaammammum siumoortumik tunniunneqassapput. Imm. 1 - 3-mi taaneqartut aningaasarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

Imm. 5. Inatsisartut siulittaasuut Naalakkersuisullu siulittaasuut ineqartinneqassapput. Siulittaasuut ineqartinneqarnerminnut akiliuteqartassanngillat, ukiumulli attartornerup kr. 48.000-inik nalilerneqarnera tunngavigalugu akileraartinneqartassallutik. Namminersorlutik Oqartussat inissianik ingerlatsinermut aningaasartuutit akilertassavaat. Inissianut atatillugu ingerlatsinermut aningaasartuutit isertitat akileraaruteqaataasussat naatsorsorneqarneranni ilaatinneqartassanngillat.

Imm. 6. Naalakkersuisunut ilaasortat sinnerinut atorfimmum atasumik ineqartitsisoqassaaq. Naalakkersuisunut ilaasortat inissiani Namminersorlutik Oqartussanit sulisorisanut inissiatut innersuunneqartartuni ineqarnermut akiliutip

Imm. 2. Inatsisartut siulittaasuannut Naalakkersuisullu siulittaasuannut kr. 120.930-nik immikkut tapisiaqartitsisoqassaaq.

Imm. 3. Naalakkersuisunut ilaasortanut Inatsisartunut ilaasortaannngitsunut Inatsisartunut ilaasortat aningaasarsiaasa § 1, imm. 1-imi taaneqartut annertoqataannik tapisiaqartitsisoqassaaq.

Imm. 4. Inatsisartut siulittaasuut, Naalakkersuisut siulittaasuut Naalakkersuisunullu ilaasortat qaammatip qinigaaffiup aallaqqaataanit qaammatip taamatut atuukkunnaarfiup naanissaata tungaanut aningaasarsiaqartinneqassapput. Aningaasarsiat qaammammum siumoortumik tunniunneqassapput. Imm. 1 - 3-mi taaneqartut aningaasarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

Imm. 5. Inatsisartut siulittaasuut Naalakkersuisullu siulittaasuut ineqartinneqassapput. Siulittaasuut inigisap attartorneranut akiliisassanngillat, ukiumulli attartornerup kr. 48.000 kr-inik nalilerneqarnera tunngavigalugu akileraartinneqassallutik. Namminersorlutik Oqartussat inissianik ingerlatsinermum aningaasartuutit akilertassavaat. Inissianut atatillugu ingerlatsinermum aningaasartuutit isertitat akileraaruteqaataasussat naatsorsorneqarneranni ilaatinneqartassanngillat.

Imm. 6. Naalakkersuisunut ilaasortat sinnerinut atorfimmum atasumik ineqartitsisoqassaaq. Naalakkersuisunut ilaasortat inissiani Namminersorlutik Oqartussanit sulisorisanut inissiatut innersuunneqartartuni ineqarnermut akiliutip naatsorsorneqartarnerinut malittarisassat

naatsorsorneqartarnerinut malittarisassat qaqugukkulluunniit atuuttut malillugit inissiamut pineqartumut ineqarnermut akiliutissap naatsorsorneqartup 60 %-ianik ineqarnermut akiliuteqartassapput.

Imm. 7. Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassanngillat.

Imm. 8. Inissiat imm. 5 aamma imm. 6 malillugit atugassiissutigineqartut atorfiup qimanneqarneranut atatillugu qimanneqartassapput. Inissiat pineqartut nutserfigineqarnerinut qimanneqarnerinillu atatillugu aningaasartuutit Namminersorlutik Oqartussanit matussuserneqartassapput.

Imm. 9. Piffissami ilaasortaajunnaarnersiaqarfimmi utaqqiisaasumik ineqartitsisoqassaaq. Inissianut Namminersornerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qanoq ilisukkulluunniit atuuttut naapertorlugit ineqarnermut akiliuteqartitsisoqartassaaq. Piffissaq ilaasortaajunnaarnersiaqarfik naappat inigisaq qimanneqassaaq.

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq pissutissaqavilluni peqataannginnertut isigineqassaaq. Najuutinnginnermi Kalaallit Nunaanni Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiartaarnermulluunniit atatillugu sulinngiffeqarneq pissutissaqavilluni

qaqugukkulluunniit atuuttut malillugit inissiamut pineqartumut ineqarnermut akiliutissap naatsorsorneqartup 60 %-ianik ineqarnermut akiliuteqartassapput.

Imm. 7. Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassanngillat.

Imm. 8. Inigisat imm. 5 aamma 6 malillugit atugassiissutigineqartut atuuffiup naanerani qimanneqassapput. Inissiat pineqartut nutserfigineqarnerinut qimanneqarnerinillu atatillugu aningaasartuutit Namminersorlutik Oqartussanit matussuserneqartassapput.

Imm. 9. Piffissami ilaasortaajunnaarnersiuteqarfimmi utaqqiisaasumik ineqartitsisoqassaaq. Inissianut Namminersornerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qaqugukkulluunniit atuuttut naapertorlugit ineqarnermut akiliuteqartoqartassaaq. Piffissaq ilaasortaajunnaarnersiuteqarfik naappat inigisaq qimanneqassaaq.

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalakkersuisut Siulittaasuannut Naalakkersuisunullu ilaasortanut pissutissaqavilluni peqataannginnertut isigineqassaaq. Najuutinnginnermi Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiartaarnermullu atatillugu sulinngiffeqarneq Naalakkersuisut Siulittaasuannut Naalakkersuisunullu

peqataannginnertut isigineqassaaq.	ilaasortanut pissutissaqavilluni peqataannginnertut najuutinnginnertut isigineqassaaq.”
	§ 2 Inatsisartut inatsisaat una ulloq 1. juli 2015 atuutilerpoq.

3. Pisortanut aningaasaqarnikkut allaffissornikkullu kingunissai

Siunnersuutip pisortanut aningaasartuutunik allaffissornermillu sunniutilimmik annertussusilimmik kinguneqarnissaa ilimagineqanngilaq.

Inatsisartunut ilaasortanut sulinngiffeqarallartarnermut il.il. malittarisassanik atuutsitsilernissamik Inatsisartut suliakkerneqassapput, inatsimmik atuutsilersitsineq, inatsimmilluunniit nutarterineq allaffissornikkut suliakkersuutunik nassataqartarput. Taamaattorli suliassamut assingusumut Siulittaasoqarfik pisussaaffeqareersoq, tassami inatsimmi maannamut atuuttumi § 2. Imm. 2, 2 malillugu sammisamut “ilitsersuutunik” atuutsilersitsissalluni Siulittaasoqarfiup siulianili pisussaaffigaa.

Malittarisassat § 2-p malittuatut aalajangersarneqartut tunngavimmikkut nunatta karsianut iluaqutaasumik ajoqutaasumillu aningaasaqarnikkut kinguneqarsinnaapput. Inatsisartut malittarisassanik ullumikkornit sukanganerusunik killilersuiffiunnginnerusumilluunniit aalajangersaanissartik toqqarneraat sunniummut apeqqutaavoq. Taamaattorli sulinngiffeqarallartarneq il.il. pillugit maannamut periuserineqartup qasukkarneqarnissaanut inatsisit annikitsuinnarmik periarfissiipput. Inatsisartuni Naalakkersuisunilu il. il. ilaasortat pillugit Inatsisartut inatsisissaanni § 4, takujuk, Inatsisartunut ilaasortatut atuuffeqarneq taanna malillugu pisussaaffittut innuttaasunik sullissineruvoq.

4. Suliffeqarfinnut aningaasaqarnikkut allaffissornikkullu kingunissat

Siunnersuut suliffeqarfinnut aningaasaqarnikkut allaffissornikkullu kinguneqassanngilaq.

5. Avatangiisinut, pinngortitamut innuttaasullu peqqinnerannut kingunerisassat

Siunnersuut avatangiisinut, pinngortitamut innuttaasullu peqqinnerannut kinguneqassanngilaq.

6. Innuttaasunut kingunerisassat

Siunnersuut innuttaasunut kinguneqassanngilaq.

7. Kingunerisassat allat pingaarutillit

Siunnersuut allanik pingaarutilinnik kinguneqassanngilaq.

8. Tusarniaaneq

Inatsisissatut siunnersuut tusarniaatigineqarsimanngilaq, nalilerneqarmat siunnersuut innuttaasunut inuussutissarsiornermulluunniit kinguneqassanngitsoq.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Imm. 2-p maannamut § 2, imm. 2, oqaaseqatigiit aappaat, “Inatsisartut Siulittaasoqarfiat sulinngiffeqarallartarnerup akuersissutigineqarnissaanut najoqqutassanik suliarinnissamik” Inatsisartut Siulittaasoqarfiannik pisussaaffiliisoq taarserpaa. Aalajangersakkap siunnersuutigineqartup taarsiullugu “malittarisassanik aalajangersaanissamik” Inatsisartut pisussaaffilerpai, taamaanneratalu malittarisassat atuutsilersinneqartut inatsisitigut pituttuisuunerat paatsuugassaannngitsumik nalunaarpaa. Inatsisartut suleriaasiata ilaatut assinganilluunniit qaffasissusilimmik atuutsilersitsinerup pinissaa ilimagineqarpoq. Malittarisassiaq innuttaasunut pinnani taamaallaalli Inatsisartunut ilaasortanut allaffissornermullu atuuppoq.

Malittarisassanik atuutsilersitsinerup qaqugukkulluunniit inatsisini malittarisassat atuuttut ataqqissavai, taakkumi Inatsisartunut maligassiissutinit salliutinneqartuarmata.

Nangillugu Inatsisartut sulinngiffeqarallartarneq pillugu malittarisassaasa sulinngiffeqarallarnissamut akuersissutinik tunniussisarnemut Inatsisartuniillu najuutinngikkallartarnermut malittarisassanik imaqarnissaa aalajangersakkap erseqqissarpaa, tassunga atatillugu imm. 3 aamma 4 takukkit, akissarsiaqaataasumik akissarsiaqaataannngitsumilluunniit sulinngiffeqarallarsinnaaneq taakku malillugit akuersissutigineqarsinnaavoq. Atatillugulu apeqqutit attuumassuteqartut pillugit, soorlu sinniussamik aggersaasarnermut tunngassuteqartunik Inatsisartut malittarisassiorsinnaapput.

Aningaasarsiat pillugit malittarisassiornermut tunngatillugu, sulinngiffeqarallarnerup najuutinnginnerullu nalaani soraarnerussutisiassat, aningaasartuuteqarnermut matussusiisarneq allallu tunngaviatigut taamaallat inatsisitigut malittarisassiuunneqarsinnaapput. Taamaammat piginnaatitaaffiit atuuttut Inatsisartut sulinngiffeqarallartarneq pillugu malittarisassaasa aallaavittut uteqqiinnarsinnaavaat, Inatsisartullu suleriaasiat il.il. naapertorlugu akuerineqarsinnaasoq qaangernagu immersuisinnaalluni erseqqissaateqarsinnaallunilu.

Sulinngiffeqarallartarneq najuutinngittarnerlu imm. 2-mi immikkoortinneqarput, tamannalu malittarisassani maannamut atuuttuni ingerlatsinermilu takussaareerpoq.

Sulinngiffeqarallartarnermut il.il. malittarisassiassani, inatsisit sinaakkusiinerisa iluanni oqaatsit katitigaanerisigut sulinngiffeqarallartarnermut najuutinngittarnermullu tunngassuteqartut akornanni erseqqinnerusumik Inatsisartut killilersuisinnaapput.

Inatsisip oqaatsimik “sulinngiffeqarallarnermik” atuinera, maannamut pisunut Inatsisartunut ilaasortap inatsisit malillugit peqqutissaqavinnani najuutinngikkallarnissamik kissaateqarnerani atorneqartussiaasimavoq, § 2, imm. 2 maannamut atuuttoq takujuk.

Taaguusersueriaaseq taanna nalorninermut tunngaviusarsimavoq taamaammallu allanngortinneqarnissaa siunnersuutigineqarpoq, imm. 3 aamma 4 takukkit. Tamatumalu nassatarisaanik Inatsisartut sulinngiffeqarallartarnermut malittarisassaasa oqaatsinik atuinermut nalinginnaasumut naapertuunnerulernissaat ilimagineqarpoq, tassani erninermut meeravissiaratarnermullu il.il. atatillugu sulinngiffeqartarnermut tunngatillugu ilaatigut “napparsimalluni sulinngiffeqarallarneq” imaluunniit “sulinngiffeqarallarneq” oqaatigineqarlutik.

Taaguut “najuutinngikkallarneq” soorlu nappaammik timmisartoqarfimmiluunniit sulumajunnaarnermik il.il. patsiseqartumik tassangaannaq takkuttumik akornuserneqarluni, sivikinnerusumik najuutinnginnermut nalinginnaasumik taaguutigittinneqarpoq.

Inatsisartut maannakkut suleriaasianni, sulinngiffeqartarneq najuutinngikkallartarnerlu Inatsisartut sulineranni allaffissornikkullu assigiinngitsunik ingerlatseriaaseqarluni atorneqartarput, tamanna ingammik sulinngiffeqarallarnissamut akuersissutip sulinngiffeqarallarnerup nalaani sinniisussamik aggersaanermik nassataqartarnera nalinginnaasuummat. Inatsisartut suleriaasianni § 58, imm. 1-imut innersuussisoqarpoq, Inatsisartunut ilaasortaq sulinngiffeqarallarnissamut akuersissummik tunineqarpat taava taanna malillugu sinniisussamik aggersaasoqassaaq. Ullut 14-it pallillugit najuutinngikkallarnermut atatillugu sinniisussamik aggersaanissaq Siulittaasoqarfiup ingerlatsinermi maannamut nalinginnaasumik qinertarsimangilaa, naak taamaaliornissamut periarfissaqaraluartoq, suleriaatsimi § 58, imm. 2 naapertorlugu.

Najuutinngikkallarnissamut akuersissummik aningaasarsiaqaatitalimmik tunniussisoqartuaannarpoq, tamannalumi aningaasarsiaqaatigalugu sulinngiffeqarallartarnermut assinguvoq, imm. 3 takujuk. Tamanna pillugu Siulittaasoqarfimmut Allattoqarfimmulluunniit nalunaartoqarpat, akuersissummik tunniussinerup nalunaarutigineqarsimasup annerusumik malitseqartinneqarnissaanut maannamut ingerlatsineq malillugu tunngavissaqartarsimangilaq.

Inatsisartunut ilaasortap akissarsiaqaataasumik sulinngiffeqarallarnissamut akuersissummik tunineqarsinnaanera imm. 3-p nassataraa. Ilaasortap pissuteqavissumik najuutinnginnera

Inatsisartulluunniit sulinngiffeqarallartarnermut malittarisassaanni pissuteqavissumik najuutinnginnermik pisumik assersuutaasinnaasumik tikkuasaqarsinnaanera tamatumani piunasaqaataavoq.

Inatsisartut Naalakkersuisullu pillugit Inatsisartut inatsisaanni § 4, imm. 1-imi, “Inatsisartunut ilaasortaaneq inuiaqatigiinnit toqqagaanikkut suliassiissutitut pisussaaffiuneranik” aalajangersaasup sukuiarneratigut qaqugukkut peqquteqavissumik najuutinngittoqarnera paasineqarsinnaavoq. Inatsimmi tassani § 4, imm. 2, ima allassimavoq: “Inatsisartunut ilaasortaq tunuarniuteqarpat imaluunniit sulinngiffeqarnissamik akuerineqaquppat qinnuteqarnek akuerineqarsinnaanersoq Inatsisartut aalajangissavaat.”

Aalajangersagaq issuarneqartoq eqqarsaatigalugu, “pissutissaqavilluni najuussinnaannginneq” pisussaaffigalugu atuuffimmut takkutinnnginnissamut tunngavissatut akuerineqarluni atuuttutut paasineqassaaq. Pisussaaffittut inuiaqatigiinnut sullissinnermit najuutinnginnissamut peqqutaasinnaanermut piunasaqaat taamaallaat napparsimanerup pissuteqavissumillu najuussinnaannginnerup naammassivaat.

Maannamutulli allamik pissutissaqavilluni najuussinnaannginnermut assingusumik patsiseqarluni aningaasarsiaqaataasumik sulinngiffeqarallarnissamut Inatsisartut akuersinissamut periarfissaqassapput. Tamanna ingammik naartunermut, erninermut meeravissartaarnermullu atatillugu piffissani aalajangersimasuni atuuppoq, qanigisalluunniit perulunnartumik napparsimanerani toqukkulluunniit qimagunnerani. Inatsimmi maannamut atuuttumi periarfissat taakku § 2, imm. 4-mi 5-imilu ersarissumik eqqaaneqarput (Inatsisartunut ilaasortanut), aamma § 6, imm. 10-mi 11-milu (Inatsisartut Siulittaasuannut). Aalajangersakkat taakku taaneqartut ilusitoqartik atorlugu ingerlateqqinneqanngillat, malittarisassalli taakku assingi § 2, imm. 2 malittuatut Inatsisartunit aalajangersarneqarnissaat ilimagineqarpoq.

Taaguutit “sulinngiffeqarallarneq” aamma “pissutissaqavilluni najuussinnaannginneq” maannamut inatsimmi § 2-mi atorneqarnermittut atorneqanngillat, soorlu tamanna imm. 2-mut 3-mullu nassuiaatini saqqummertoq. Sulinngiffeqartarneq pillugu Inatsisartut inatsisissaanni taaguutinik atuinerup Inatsisartunut ilaasortaanerup pisussaaffigalugu innuttaasunik sullissineruneranik inatsisiliat aalajangersagaannut naapertuuttunngortinneqarnissaa tamatumunnga pingaarnertut patsisaavoq. Taamaammat maannamut aningaasarsiaqartitaanermut inatsimmi § 2, imaluunniit § 6 imm. 10 aamma 11, qanoq paasinninnissamut nassuiaatitut atorneqarsinnaanngillat.

Aammalu maannamut atuuttumi § 2 imm. 2, 1-imik aalajangersagaq imm. 4, 1-ip attappaa, taanna malillugu ilaasortaq akissarsiaqaataanngitsumik sulinngiffeqarallartoq piffissami sulinngiffeqarallarnerup nalaani aningaasarsianik aningaasartuuteqarnermullu tapiissutinik pisinnaanngilaq. Aammattaaq sulinngiffeqarallarnermi soraarnerussutisiassanik

katersaqarsinnaannginneq pillugu malittarisassaq maannamut § 2, imm. 3, 1-imik aalajangersakkap ingerlateqqinneraa. Maannamut aqqissuussaq taanna malillugu akissarsiaqaataanngitsumik sulinngiffeqarallartarnejq ilaasortaajunnaarnersiutinik katersaqarnermut ilanngullugu naatsorsorneqassannginneranik aalajangersagaq, atatillugu erseqqissaatigineqarpoq.

Akissarsiaqaataanngitsumik aningaasartuuteqarnermullu tapisianik pisartagaqarfiunngitsumik sulinngiffeqarallarnissamik akuersissuteqarsinnaanermut periarfissaq, pisunut immikkut ittunut atatillugu, soorlu ilaasortap pissutissaqavilluni najuutinnginnissaminut tassungaluunniit assingusumik tunngavissaqarani sulinngiffeqarallarnissamik pisariaqartitsineranut tunngatillugu Siulittaasoqarfiup naperiaanissamut maannamut periarfissaanik attassineruvoq.

Sulinngiffeqarallarnep taamaattup aatsaat pisuni immikkorluinnaq ittuni atornejarsinnaanera atatillugu erseqqissatigineqarpoq.

Inatsisartuuneq pisussaaffigalugu innuttaasunik sullissinerummat akissarsiaqaataanngitsumik sulinngiffeqarallarnissamut nalinginnaasumik akuersisoqarnejq ajornermut killiliineq taanna tunngaveqarpoq, Inatsisartut Naalakkersuisullu pillugit Inatsisartut inatsisaanni § 4 naapertorlugu. Taamaammatt ilaasortap Inatsisartuni suliasaminik aallussissalluni pisussaaffigaa, pissutissaqavissumillu najuutinnginnissamut allamilluunniit ilungersunartumik tunngavissaqarani najuutinnginnissamik kissaateqaruni ilaasortaanermiit tunuartariaqarluni, taamaalilluni Inatsisartunut ilaasortaq alla sinniisutut ilaasortanngorsinnaaqullugu.

Akissarsiaqaataanngitsumik sulinngiffeqarallarnissamut akuersissummik tunniussisoqarsimaneranik pisoq pingaarnepaaq tassaasimavoq Inatsisartunut ilaasortap Naalakkersuisunut ilaasortatut, Borgmesterit, borgmesterip tulliatut kommunalbestyrelsimulluunniit ilaasortatut atuuffimmut ikkunniarluni sulinngiffeqarallarsimaneja.

Tamatuma saniatigut suliasanik pinartunik ilaasortap isumaginnittariaqalerneranik nassataqartunik pisoqarsinnaavoq, soorlu namminersorluni ingerlatami ajornartorsiutaanik aniuguisinniarlugu piffissami siumut aalajangikkami ikiuuttariaqarneranik nassataqartumik pisoqarnerani. Akissarsiaqaataanngitsumik sulinngiffeqarallarnissamut akuersissut, assersuutigalugu sinniisussap aggersarneqarneranut aningaasartuutit matussuserlugit, Siulittaasoqarfiup naliliinera naapertorlugu ilaasortap inissisimaneranut naaperiaataasinnaavoq tulluortoq. Periarfissaq taanna malittarisassiassani imm. 2-p kingorna atuutsilersinneqartussani attanneqarsinnaavoq.

Maannamut § 2, imm. 2, oqaaseqatigiit pingajuanni malittarisassaq atuuttoq § 4, oqaaseqatigiit aappaanni attanneqarpoq, taanna malillugu sulinngiffeqarnissamik

akuersissuteqarnissamut sinniisussamik aggersaanermi aningaasartuutunik Inatsisartunut ilaasortap akiliuteqarnissaa piumasaaqatigineqarsinnaavoq. Piumasaaqatip taassuma aatsaat “pisunut immikkut ittunut” atorneqartarnera tunngaviujunnaarpoq, tassami akissarsiaqaataanngitsumik sulinngiffeqarallarnissamut akuersissummik tunniussinissaq isumaliutigineqaraangat imm. 1, malillugu immikkut ittumik tamanna tamatigut patsisissaqartarmat.

Maannamut § 2, imm. 3, oqaaseqatigiit aappaanni malittarisassaq atuuttoq imm. 5-imi attaneqarpoq, taanna malillugu Inatsisartuni ilaasortaq Naalakkersuisuni ilaasortatut atuuffimminik tamakkiisumik aallussiniarnini pissutigalugu sulinngiffeqarallarnissamik akuersissuteqarfigineqartoq piffissami sulinngiffeqarallarnermi soraarnerussutisiaqalernissamut katersisinnaangilaq. Naalakkersuisunut ilaasortat Naalakkersuisunut ilaasortaanerup nassatarisaanik ilaasortaajunnaarnerisuteqalernissaminnut katersisarmata.

Nr. 2-mut

Maannamut § 2, imm. 4, oqaaseqatigiit aappaanni malittarisassaq aalajangersakkap ingerlateqqippaa, assinganik imaqarluni kisiannili inatsimmi inissisimanera pissusissamisoornerulersillugu. Maannamut aalajangersakkamut Kalaallit Nunaanni kommunini tjenestemandinut atuuttumut innersuussineq oqaasertaliornermi peerneqarpoq, tassami Namminersorlutik Oqartussani tjenestemandinut malittarisassat kisimik pingaaruteqartutut isigineqassammata. Sammivinni taakkunani marlunni tjenestemandinut ullumikkut assigiinnik malittarisassaqarpoq, taamaalillunilu oqaasertaliornikkut allanngineq taanna piginnaatitaaffitsigut allannginngilaq.

Nr. 3-mut

§ 6-ip maannamut imarisaa imm. 1-9-mi allanngortinnagu siunnersuutip uterpaa, tamanna paasiuminarsaanissaq eqqarsaatigalugu. Tamatuma tunngavia nassuiaatini nalinginnaasuni immikkoortoq 2.2-mi itisiliivigineqarpoq.

Imm. 10-mi 11-milu oqaasertaliornarit allanngortinneqarput, taamaalilluni aalajangersagaq taamaallaat Naalakkersuisunut ilaasortanut tunngatillugu atortussanngorluni, tassani aamma Naalakkersuisut Siulittaasuannut. Aalajangersakkat taakku maannamut aamma Inatsisartut Siulittaasuannut atuussimapput, kisianniuna sulinngiffeqarallartarnermut najuutinngittarnermullu malittarisassat pineqarmata, siunissami § 2, malittarisassallu taassuma malitsigisaatut atuutsilersinneqartut Inatsisartut Siulittaasuannut atuutsinneqassapput. Qanigisamik toqusoqarneranut pinartumilluunniit napparsimasoqarneranut atatillugu akiliunneqarluni angalasinnaatitaanermut tunngatillugu, § 4, imm. 5, siunissami Inatsisartut Siulittaasuannut atuutissaaq, taanna Inatsisartut Siulittaasuannut maannamut atuussimasumik imaqarpoq.

§ 2-mut

Aalangersakkakut tassuuna inatsisip allannguutaata qaqugu atuutilernissaa aalangersarneqarpoq.